

# OBUKONYEZI OBURUGA OMWA RUHANGA

Bikasorozibwa Watson Goodman

Kyabusa tikiri kyokuguza

### OBUKONYEZI OBURUGA OMWA RUHANGA

Kafoirwe katabu kataito nukwo osobole kugenda nako hona buli orabaga olinzire omuntu ondi rundi ekiiruka. Obusumi obwakubaire nibufa busa nibusobora kukozesibwa kugobesa muno Omwoyo gwawe.

Nkigenderiire nahandiika enyuguta nkoto nukwo oyanguhirwe kusoma. Ebigambo bikomerwe kuruga omubicweka bitali bimu mu Baibuli, habwokuba ninyikiriza nti Baibuli niye erukukira kwesoborraho yonka. Ninihira nti kuherraniza ebicweka ebiinahongana obukwatane kiraleta kwetegereza kurungi obutumwa (obukwenda) Ruhanga atuhaire mu kigambo kye Ekirukwera.

Ekigambo kya Ruhanga kirunga "Haiguru" kandi kikonyera emyoyo enyakuba nerumwa enjara habwokuhikirra. Omuntu obwayegarukamu, akazira ekibi, kandi akaikiriza Omujuni, Mukama waitu
Yesu Kristo, nomutima gwe gwona kandi ate okusemererwa kwe
n'obusinge omumutima gwakikiriza. Nyowe kinu kikambaho omu
1937 kandi emyaka eyehingwire egi yona tekahindurahoga obumu bunu
na Mukama wange. Nakukwekambisize nti oyeheyo haluwe HATI
BUNU obworaaba otakaikirize. —Watson Goodman (1920-2002)

#### Abaroma 5:8

Baitu omuli eki, Ruhanga nuho ayolekera nkooku atugonza, habwokuba obu tukaba tukyali basiisi. Kristo akatufeera.

#### Okusuukururwa 1:5

Kandi ebinyakuruga hali Yesu Kristo kaiso omwesigwa ayabandize kuhumbuuka omu bafu, kandi anyakulema abakama b'ensi. Ogu anyakutugonza, ayatwihire omu bibi byaitu naatucunguza esagama ye.

### Yohaana 13:1

Ekiro kikuru eky'obugenyi obw'okwijuka Okuhingurwaho kikaba kitakahikire; kandi Yesu yamanya akasumi ke ak'okuruga omu nsi munu n'okugaruka hali Ise nkooku kahikire. Okumanya yagondeze abe abakaba bali omu nsi, akabagondeza kimu okuhika ha mpero.

#### Yohaana 3:16

Kumanya Ruhanga yagondeze ensi, akahayo Omwana we omu wenka, nukwo weena arukumwi kiriza aleke kuhwerekerra, baitu atunge obwomeezi obutahwaho.

### Yeremiya 31:3

Omu biro bya ira Mukama akambonekera nagamba ati, nkugondeze nokugonza okutahwaho: nikyo nakusikiire nembabazi nakwegarurra.

#### 1 Timoteo 3:16

Na itwe leka twatule eby'ensita eby'enyikiriza yaitu nkooku biri bikuru mali. Nibyo ebirukugamba biti: Akafooka muntu, yagumibwa Mwoyo Ahikiriire, yarorwa bamalaika, yarangirirwa omu mahanga, yaikirizibwa ab'omu nsi yoona, yatwarwa omu iguru n'ekitiinisa.

### Yohaana 1:1, 14

Kara na kara Kigambo akaba aroho; Kigambo akaba ali hamu na Ruhanga kandi Kigambo akaba ali Ruhanga . . . Kigambo akafooka muntu, yaikara omuli itwe aijwire obwomeezi n'amazima.

Yohaana 14:9, 10a

Nandiki Yesu ati: "Filipo, nambere nakaba kwikara na inywe tokammanyaga? Ogu anyakundora, buli aba arozire Isenyowe. Habwaki ogamba oti: "Twoleke So."? Timurukwikiriza nkooku ndi omuli Isenyowe, na Isenyowe nkooku ali omuli nyowe?"

### Matayo 1:22, 23

Ebi byona bikabaho nukwo bibikirize Mukama ebi yagambiire omu kanwa k'omurangi ati: "Omwisiki empikirre alitwara enda, azaale omwana omwojo, kandi alyetwa ibara Emanueli." (Amakuru gaalyo: Ruhanga ali na itwe.)

#### YESU OMWANA WA RUHANGA

#### 1 Yohaana 4:15

Weena anyakwatura Yesu nkooku ali Mwana wa Ruhanga, Ruhanga aikara omuli uwe, nawe aikara omu Ruhanga.

#### Abakolosai 2:9

Habwokuba Kristo, omu mubiri gwe, aijwire obwaruhanga bwona.

#### Matayo 8:29

Baatokera haiguru nibagamba bati: "Nootwenza ki, iwe Mwana wa Ruhanga? Oizire hanu kutucanza akasumi katakahikire?"

#### Luka 1:35

Malaika yamugarukamu ati: "Mwoyo Ahikiriire alikwizira, kandi n'amaani g'Ogu Anyakuli haiguru muno galikuswekerra. Omwana ow'alizaarwa nikyo alyeterwa ahikiriire, kandi Omwana wa Ruhanga."

### Matayo 17:5

Obu akaba naakyabaza, haija ekicu ekirukwangasana, kyabasiikiriza; kandi iraka lyaruga omu kicu, nirigamba liti: "Onu nuwe Mwana wange omugonzibwa ou nsiima; mumuhurre."

### Isaaya 9:6

Habwokuba omwana atuzaaliirwe, omwana atuhairwe aliba mulemi: nibaralye alyetwa wamahano, muhanuuzi, Ruhanga wobusobozi, Isiitwe atahwaho omubiito w'wobusinge.

### 4 YESU NAATUMANYISA ENDUGIRRO YE

#### Yohaana 11:25

Yesu yamugambira ati: "Ninyowe kuhumbuuka, ninyowe bwomeezi; arukunyikiriza noobu alifa, baitu alyomeera."

#### Yohaana 10:7

Yesu yagaruka yabagira ati: "Mazimakwo nimbagambira nti: Ninyowe mulyango gw'entaama."

#### Yohaana 13:13

"Inywena munyeta Mwegesa kandi Mukama wanyu; muhikya, habwokuba nukwo ndi."

### Yohaana 9:5

"Akasumi koona aka nkyali omu nsi, ndi musana gwayo."

#### Yohaana 6:35

Yesu yabagarukamu ati: "Ninyowe mugaati gw'obwomeezi. Anyakwija nambere ndi, talirumwa njara; kandi anyakunyikiriza, taligaruka kukwatwa iroho."

### Yohaana 8:58

Nandiki Yesu ati: "Mazimakwo nimbagambira nti: Abrahamu atakabaireho, nyowe nkaba ndoho."

#### Yohaana 8:23

Uwe yabagarukamu ati: "Inywe muli b'ensi enu, nyowe ndi w'omu iguru. Inywe muli b'ensi, baitu nyowe tindi w'omu nsi munu."

### EBYAMAHANO EBIMU EBYAKOZIRWE YESU

#### Matavo 14:19-21

Yaragira abantu kwikarra ha bunyansi; yakwata emigaati etaano n'encu ibiri, yararamira haiguru, yasiima, yabicwamu, emigaati yagiha abeegesebwa be, bagigabire abantu. Boona baalya, baiguta. Abeegesebwa obu baasoroize oburagalika obwasaagireho, bwaijuza ebigega ikumi na bibiri. Abasaija abaaliire baahikaga nk'enkumi itaano, otabaliiremu abakazi n'abaana.

### Luka 5:5, 6

Simooni yamugarukamu ati: "Mwegesa, tutalibaine okukiisa obwire, titukwasize kantu! Baitu habw'ekigambo kyawe kantege obutimba." Baatega obutimba, baakwasa encu nyingi muno, n'obutimba bwatandika kutemuka.

#### Matayo 20:34

Yesu yabakwatirwa embabazi, yabakora ha maiso, ahonaaho baarora, kandi baamuhondera.

### Matayo 21:19

Obu yarozire omuti omutini ha muhanda rubaju, yaguhikaho, baitu tiyasangaho kantu okwihaho ebikoora byonka. Yagugambira ati: "Kaigale, otaligarukira kwana ebijuma ebiro byona!" Ahonaaho mutini ogu gwahotoka.

### YESU KRISTO ENDUGIRRO KANDI MUKAMA WA BYONA

Habwokuba omuli uwe, byona nuho byahangiirwe; eby'omu iguru n'eby'omu nsi; ebiboneka n'ebitaboneka; rundi bitebe by'abamalaika abakuru, ab'obusobozi, n'abalemi—ebintu byona bikahangirwa omuli uwe kandi bikahangwa habwe. — Abakolosai 1:16

6

### 1 Abakorinto 1:9

Ruhanga ayabeesire kuteerana n'Omwana we Yesu Kristo Mukama waitu, aba mwesigwa.

### Abaroma 14:9

Eki nikyo Kristo yaferiire kandi yahumbuuka, nukwo asobole kuba Mukama wa boona: aboomiire n'abafiire.

Ebintu byona bikahangwa nibiraba omuli uwe, kandi uwe haatali busaho kintu kyona ekyahangirwe. — Yohaana 1:3

#### Ebikorwa 2:36

"Ab'enju ya Isiraeli boona leka bamanyire kimu Yesu ou mwabambire ha musaraba nkooku Ruhanga yamuhindwire, yamufoora Mukama kandi Kristo."

## Abaheburaayo 1:2

Ruhanga . . . baitu omu biro binu ebirukumalirra, itwe atugambiriire omu Mwana, ou yataireho abe mugwetwa w'ebintu byona, kandi omuli uwe nuho yahangiire ensi.

### YESU KRISTO OMUĆWI W'EMISANGO

#### Abaroma 14:10

Habwaki ocwera mugenzi waawe omusango? Rundi habwaki ogaya mugenzi waawe? Ningira itwena tulyemerra omu maiso g'ekitebe kya Ruhanga ekicwerwaho emisango.

#### 2 Timoteo 4:1

Ninkuteererra omu maiso ga Ruhanga n'aga Kristo Yesu ow'alicwera omusango aboomiire n'abafiire, ninkurahiza okugaruka kwe n'obukama bwe.

#### Abaroma 2:16

Ha kiro eki nambere Ruhanga alicwerraho abantu omusango gw'ebi baakozire' omu nsita, naaraba omu Kristo Yesu, nkooku kisangwa omu Makuru Amarungi aga natumirwe kurangirra.

#### Matayo 25:32

"Amahanga goona galyesorooleza omu maiso ge, alibabaganizaamu nk'omuliisa okw'asoroora entaama omu mbuzi."

#### Ebikorwa 10:42

"Akaturagira kwegesa n'okunanura abantu nkooku nuwe ogu Ruhanga ou yakomere kuba mucwi w'emisango y'abomiire n'abafiire."

### Yohaana 5:22

"Isenyowe tacwera muntu weena omusango, baitu okucwa omusango kwona akakulekera Mwana."

#### Yohaana 8:24

"Nikyo mbagambiriire nti: Mulifeera omu bibi byanyu. Mazimakwo obu muraaba mutarukunyikiriza nkooku ninyowe ogu, mulifeera kwo omu bibi byanyu."

### Abaheburaayo 5:9

Obu yamazire kuhikirizibwa, yafooka ndugirro ey'okujunwa okutalihwaho habw'abo boona abamuhurra.

#### Abaheburaayo 7:25

Habweki ebiro byona asobora kujuna abo abeebinga Ruhanga nibaraba omuli uwe, habwokuba abaho okubatonganirra obutoosa.

#### Ebikorwa 4:12

"Tiharoho ondi asobora kutujuna, habwokuba busaho ibara lindi hansi y'iguru eryahairwe abantu erisobora kutujuna."

### Yohaana 10:9

"Ninyowe mulyango; weena anyakuraba omuli nyowe alijunwa. Araataahaga, naaturuka kandi abone iriisizo."

#### Yohaana 14:6

Yesu yamugarukamu ati: "Ninyowe muhanda, ninyowe mazima, ninyowe bwomeezi. Tiharoho anyakuhika hali Isenyowe atarabire omuli nyowe."

### YESU KRISTO NUWE MUJUNI WAITU

#### Abakolosai 1:12-14

Musiime Isiitwe ayatusoboize kubagana ha bugwetwa bw'abahikiriire abali omu bukama bw'omusana. Nuwe yatwihire omu bukama obw'omwirima, yatutaahya omu bukama bw'Omwana we omugonzibwa, anyakutucungura kandi anyakutuganyira ebibi.

#### Luka 19:10

"Kandi Omwana w'omuntu akaija kuserra n'okujuna ekyabu-zire."

#### Okusuukururwa 5:9

Baazina ekizina ekihyaka nibagamba bati: "Niiwe osemeriire kutwara omuzingo n'okubambura emanyikirizo zagwo, habwokuba okaitwa, wacungurra Ruhanga abantu n'okufa kwawe, noobaiha omu buli ruganda, buli ngambo, omu bantu boona n'omu mahanga goona."

### Tito 2:14

Ayayehaireyo habwaitu okutucungura, naatwiha omu bubi bwona kandi naayeyereza abantu be, nubo abo abeekambira okukora ebirungi.

### 1 Abakorinto 1:30

Ruhanga nuwe ndugirro y'obwomeezi bwanyu omu Kristo Yesu ou yafoire magezi gaitu, buhikiriire bwaitu, kwera kwaitu n'okucungurwa kwaitu.

#### Abaroma 5:9

Hati nu, nkooku tweziibwe esagama ve. alitujunira kimu okufubirwa Ruhanga.

#### Abeefeso 1:7

Omuli uwe numwo tucungulirwa habw'okufa kwe, tuganyirwa ensobi zaitu habw'embabazi ze enyingi.

### 1 Petero 1:18, 19

Nimumanya nkooku mwacungwirwe, mwaruga omu ngeso ezitaina mugaso ezi mwaijukwire baisenkuru-inywe, mutacungurwe n'ebintu ebihwaho, nk'efeeza na zaabu, baitu mukacungurwa esagama ev'omuhendo eva Kristo. erukusisana ey'omwana gw'entaama ogutaina kamogo rundi kabara.

### 1 Yohaana 1:7

Baitu obu tuba nitugendera omu musana. Uwe nkooku ali musana, buli na itwe tuteeraine hamu, kandi esagama y'Omwana we Yesu etwogyaho buli kibi kvona.

### Abaheburaayo 9:14

Esagama ya Kristo ayarabire omu Mwoyo Atahwaho kwehayo hali Ruhanga ataina kamogo, terikira muno kweza emitima yanyu okugiiha omu bikorwa ebifiire, nukwo muheereze Ruhanga Atafa!

### ANYAKWIKIRIZA KRISTO NUWE AJUNWA

Abeefeso 2:8, 9

Inywe mukaikiriza mwajunwa habw'embabazi za Ruhanga. Eki mutakyekorre inywenka, baitu kisembo kya Ruhanga. Atakibahe habw'ebi mwakozire, haleke kubaho arukwenyumiza.

#### Abaroma 5:1

Nahabweki, nkooku tuhikirizibwa okwikiriza twina obusinge na Ruhanga habwa Mukama waitu Yesu Kristo.

Abagalatiya 5:6

Obu tuba tuli omu Kristo Yesu, okusarwa n'okutasarwa tikwina mugaso. Eky'omugaso nukwo kwikiriza okurukukozesibwa engonzi.

#### 1 Yohaana 5:4

Weena anyakuzairwe Ruhanga asingura ensi, kandi ekisingura ensi nukwo okwikiriza kwaitu. Yohaana 20:31

Baitu binu bikahandiikwa nukwo mwikirize Yesu nkooku ali Kristo, Omwana wa Ruhanga; kandi habw'okwikiriza oku, mutunge obwomeezi omuli Uwe.

Yohaana 6:28, 29

Baamukaguza bati: "Tuli b'okukora ki okuhikiriza emirimo Ruhanga ei asiima?" Yesu yabagarukamu ati: "Omulimo Ruhanga ogu asiima nugwo gunu: inywe kwikiriza ogu ou yatumire."

#### Zabuli 103:11

Habwokuba iguru nkooku liri hara kukira ensi, nokugonza kwa Mukama nukwo kuli kwingi kuti hali abo abanyakumutiina.

### Empamo 3:22, 23

Embabazi za Mukama tizihwaho. Iba mpyaka buli kiro; n'okwesigwa kwe kwingi.

#### Mika 7:18

Ruhanga ki ondi arukukwerenga, anyakuganyira ebyokusiisa, akeebwa okutahikirra kwabantu be abatabukire? Ekiniga kye kihwaho bwangu habwokuba aba wembabazi nyingi.

#### Zabuli 108:4

Okugonza kwawe okutabwaho nikukira iguru, namananu gaawe nigahika ha iguru omubicu.

#### Zabuli 103:17

Baitu embabazi za Mukama tizihwaho, zikara ha bantu abanyakumutiina, nokuhikirrakwe kwikara ha baana ba baana baabu.

#### Tito 3:5

Yatujuna. Hatali habw'oburungi bw'ebi twakozire, baitu habw'embabazi ze. Akatwogya tuzaarwe obwa kabiri kandi tufooke bahyaka omu Mwoyo Ahikiriire.

#### ITWENA TUKEETWA RUHANGA

#### Matavo 11:28

"Mwije nambere ndi inywena abajwahire n'abalemeriirwe mbahuumuze."

### Okusuukururwa 22:17

Mwoyo Ahikiriire n'Omugole nibagamba bati: "Rugayo." Kandi weena arukukurra, leka agambe ati: "Rugayo." Kandi weena anyakukwasirwe iroho, leka aije; na weena arukwetaaga, leka anywe amaizi ag'obwomeezi agatarukugurwa.

#### Yohaana 7:37

Ha kiro kikuru eky'okumalirra obugenyi, Yesu akeemerra mu bantu naagamba n'iraka likooto ati: "Obu haraaba haroho anyakwina iroho, aije nambere ndi, anywe."

### Isaaya 55:1

Mukama nagamba ati: "Wena anyakuine iroho aije anywe amaizi, nainywe abatanyina sente, mulye ebyokulya, muije mutunge amaarwa n'amata munywere busa."

### Isaaya 1:18

Mukama nagamba ati: "Muije, nu tuhanuule, ebibi byanyu nobubiraaba biri bingi bita ndabeeza musisane ebirika. Ebibi byanyu nobubiraaba bibasiisire muno, ndaabeeza nk'ebyoya by'entama."

### Abaroma 8:14, 15

Ningira boona abeebemberwa Mwoyo wa Ruhanga, baba baana ba Ruhanga. Na invwe mutaheebwe mutima ogw'obwiru ogw'okubagarra omu butiini; baitu mukaheebwa Mwoyo Ahikiriire avabafoire baana, anyakutugambisa ati: "Abba, Isiitwe!"

### Abafilipi 2:15

Nukwo muhe abataina musango kandi abeezibwe; abaana ba Ruhanga abataina kamogo hagati y'abantu ab'obusinge bunu oburamaire kandi obuhabire aba murukwakiramu nk'enyunyuzi ezirukwakira ab'omu nsi.

#### 1 Yohaana 3:10

Aho abaana ba Ruhanga n'abaana ba Sitaani nuho bamanvirwa: Weena anyakukora ekitahikire, tali wa Ruhanga: kandi ogu atagonza mugenzi we, nawe tali wa Ruhanga.

### 2 Abakorinto 6:17, 18

"Nikyo Ruhanga arukugambira ati: Mubarugemu, mubeecwaho, kandi mutalikwataho kintu kyona ekirofu. Nubwo na nvowe ndibatangirra. Ndiba isiinywe, na inywe muliba batabani bange n'abahara bange; Mukama Rutakirwa nukwo arukugamba ati."

### RUHANGA EBI ARUKWEGESA HA BIRUKUTAMIZA

Abagalatiya 5:19-21

Ebikorwa by'omubiri nibyeyoleka, nibyo binu: obusiihani,
eby'obuhemu, orwanju, okuramya abacwezi, oburogo, enkungani, obunyanzigwa, ihali, ekiniga,
okwegonza, empaka, okweyahuranamu, itima, obutamiizi, ebisimba by' obutamiizi, n'ebindi ebirukusisana biti. Nimbahabura
nkooku nabahabwire kara, abo
abakora ebintu nk'ebi, tibaligweterwa bukama bwa Ruhanga.

Enfumo 23:31, 32 Otalisikirizibwa amaarwa habwerangi yago, nobugalizooka kurungi gata omu kikopo; nobworamira omu miro niguterra. Nyenkya oraaba nosisana nkomuntu anyakutemerwe enjoka yobusegwe.

Abaroma 13:13, 14

Tukole kurungi nk'abali omu musana, tutarukurarrana omu magenyi kandi tutarukutamiira, tutarukusiihana n'okukora eby'obugwagwa, tutarukukungana n'okugirrangana ihali. Baitu Mukama Yesu Kristo nuwe mufoole ngabu yanyu, muleme emibiri yanyu, ereke kukora ebi erukwegomba.

Omuntu naasobora kurora omuhanda gukamuzokera nkomurungi, kunu nigutwara omu kuhwerekerra. — Enfumo 16:25

Yesu yamugarukamu ati: "Ogonzeege Mukama Ruhanga waawe n'omutima gwawe gwona, n'omwoyo gwawe gwona, n'amagezi gaawe goona. Eki nikyo kiragiro ekikuru ekirukubanza.

-Matavo 22:37, 38

... "Mwegesa omurungi, nsemeriire kukora ki okugwetwa omu bwomeezi obutahwaho?" Yesu nawe yamukaguza ati: "Habwaki nonyeta murungi? Busaho murungi kwihaho Ruhanga

wenka. Ebiragiro bya Ruhanga obimanyire, 'Otaliita, Otalisiihana. Otaliiba. Otalihangirra. Otaligobya. Otiinege so na nyoko." Nandiki oli ati: "Mwegesa, ebi byona nkabikwata okuruga omu buto bwange." Yesu nukwo kumurolerra, yamugonza, yamugambira ati: "Nooburwaho ekintu kimu; genda otunde ebi oinabyo. sente eziraarugamu ozigabire abanaku, nubwo olitunga itungo omu iguru; nukwo oije onkuraatire." Omusigazi obu vahuliire ekigambo eki, yagwerwa yagenda aina obujune, habwokuba akaba aina itungo lingi. - Mariko 10:17-22

### **OLEKE KUBIIHWABIIHWA**

#### Abeefeso 5:6

Mutaikiriza muntu weena kubabiihabiiha n'ebigambo ebitarumu nsa, habwokuba ebi nibyo Ruhanga asigikiraho kukayukira abantu abatamuhurra.

### 1 Abakorinto 6:9, 10

Timurukumanya abagobya nkooku bataligwetwa omu bukama bwa Ruhanga? Muleke kubii-hwabiihwa. Abanjuki, abaramya abacwezi, abasiihani, abakuuhya, abasuma, ab'omukoijo, abatamiizi, abajumi, rundi abanyagi tibaligwetwa omu bukama bwa Ruhanga.

#### Yakobo 1:22

Baitu ekigambo eki mukite omu nkora, mutali nk'abarukukihurra kwonka, mukebiihabiiha.

### 1 Yohaana 3:7, 8

Baana bange, mutaikiriza muntu n'omu kubahabisa! Ogu anyakukora ebihikire, nawe ahikiriire nka Kristo oku ahikiriire. Ogu anyakukora ekibi, aba wa Sitaani; habwokuba Sitaani akakora ebibi kuruga kara.

### Abagalatiya 6:3

Kakuba omuntu ayebara kuba w'omugaso, kandi kunu talikwo, aba naayebiiha.

#### Abaroma 5:12

Habweki ekibi nkooku kyaizire omu nsi habw'omuntu omu, kandi kyaleeta okufa; nukwo orufu rwahikire ha bantu boona, habwokuba boona bakasiisa.

#### Enfumo 11:19

Wena anyakukora ebyokuhikirra alyomeera baitu ogu anyakugumanganira omu kukora kubi alifa.

#### Ezekveri 18:20

Omuntu anyakusiisa nuwe alifa. Omwana talibonabonesibwa habwokusiisa kwa ise, n'omuzaire talibonabonesibwa habwokusiisa kwomwana uwe. Omuntu omurungi ali haabwa empeera habwo-

kukora kurungi, kandi omusiisi alibonabonesibwa ha bwokusiisa kwe.

Hanyuma okwegomba obu kumara kwija, kuzaara ekibi; kandi ekibi obu kimara kukura, kirugwamu kufa. — Yakobo 1:15

#### Abaroma 8:6

Okuta omutima ha by'omubiri kurugwamu okufa; baitu okuta omutima ha bya Mwoyo kurugwamu obwomeezi n'obusinge.

### Luka 15:32

"'Baitu kihikire okukora obugenyi bunu n'okusemererwa, habwokuba muto waawe ow'akaba afiire, hati mwomeezi; akaba azaahire, hati azaahukire,'"

### KRISTO NUWE YASINGWIRE ORUFU

#### Luka 7:14, 15

Yairra haihi, yakwata ba ruhinyo, abakaba bahimbire omutumbi baayemerra, Yagamba ati: "Musigazi iwe, ninkugamba nti: Imuka." Ow'akaba afiire yaikarra, yatandika kubaza.

#### Okusuukururwa 1:18

"Kandi hati nyomiire. Nkafa, baitu okuruga hati ndaikaraga ndi mwomeezi ebiro byona, kandi nyina ebisumuruzo by' Orufu n'eby'Okuzimu."

### Yohaana 11:43, 44

Obu yamazire kugamba eki, yayamirra n'iraka likooto ati; "Lazaaro, turuka!" Ow'akaba afiire yaturuka aheeru, emikono ye n'amaguru biboherwe n'ebikoba, amaiso ge gasemberwe ekitambaara. Yesu nukwo kubaragira ati: "Mumubohorre, mumuleke agende."

### Yohaana 10:17, 18

"Nikyo Isenyowe angondeza, habwokuba mpayo obwomeezi bwange, nukwo ngaruke mbwegarurre. Busaho n'omu anyakubunyihaho, baitu nyowe mbweheerayo nyenka. Nyina obusobozi bw'okubuhayo n'obw' okubwegarurra; obusobozi obu nkabuheebwa Isenyowe."

Ekyebiragiro 5:7-21

Otaliramya ruhanga ondi wena omu kiikaro kyange. Otalyekorra ekisisani kyomulingo gwona ekirukusisana ekintu ekiri omu iguru, hansi rundi ekyokuzimu omu maiizi. Otaliramya ekisisani kyona, habwokuba nyowe ndi Ruhanga w'ihali. Mfubira abantu abanyakuunoba, kuhikya obuijukuru bwa kasatu no bwa kana, Baitu ngirra embabazi abantu enkumi n'enkumi abanya kungonza, bakahikiriza ebindagira. Otalirahirra busa ibara lyange, ninyowe Mukama Ruhanga wawe. Anyakuzanisa ibara lyange weena ndimufubira. Oyezeege ekiro kya

Sabato, Emirimo vawe voona ogikolege omu biro mukaaga baitu ha kiro kya musanju otali kora mulimo nagumu, iwe wenka nobwakuba omwana wawe, abairu baawe rundi ebisoro byawe ebitungwa, nobwakuba omugoonyi omunyaihanga, nabairu banyu nabo bahumulege nkainywe okumuhumura ha kiro eki. Muijuke okumukaba muli bairu omunsi Misiri, baitu nyowe nkabaihayo nomukono ogw'amaani nikyo ndukuharagirra kulindaga ekiro kya Sabato. So na nyoko abatemuga ekitinisa nukwo omerere omunsi eyi ndukukuha. Otaliita, otalisiihana, otaliiba, otalihangirra, otalyegomba omukazi womuntu ondi; otalyegomba enju ye, itakalye, abairube, enteze, enkaina ze rundi ekintu ekindi kyona ekyomuntu ondi.

### AMAISO GA RUHANGA GAKUROHO

Yobu 34:21, 22

Ruhanga arora ebintu byona eby'abantu bakora. Busaho mwirima ogusobora kutanga Ruhanga kurora abasiisi.

Zabuli 139:8 na 12

Nobunkutemba ha iguru ninkusangayo, nobunkugya okuzimu owa Nyabuyonga naho oliyo, habwokuba Iwe oli hoona hoona.

Yeremiya 23:24

Omuntu tayina hasobora kwesereka nukwo ndeme kumurora. Timumanyire ngu nyowe ndi omubiikaro byona haiguru na hansi?

#### Enfumo 15:3

Ruhanga arora byona ebinyakukorwa byona omu biikaro byona, aba naturora obutuba nitukora kubi, kandi nobutuba nitukora kurungi.

#### Luka 8:17

"Habwokuba busaho ekiserekerwe ekitalyolekwa, noobu kyakuba eky'ensita ekitalimanywa kandi kikazooka burole."

### 22 EKIFUBIRO EKITALIHWAHO KY'ABASIISI

### Matayo 13:41, 42

"Omwana w'omuntu alituma bamalaika be, baihe omu bukama bwe byona ebirukwesiitaza n'enkozi z'ebibi zoona, babanage omu kikoomi ky'omurro; oku nuho abantu balirirra banene ensaya."

### Matayo 18:8

"Kakuba omukono gwawe rundi okuguru kwawe bikuleetereza kusiisa, bitemeho obinage hara; haakire otaahe omu bwomeezi oramaire rundi ogookere, kukira kunagwa omu murro ogutahwaho oina emikono ebiri rundi amaguru abiri."

#### 2 Petero 3:7

Kandi habw'ekigambo kya Ruhanga eki kyonyini, iguru n'ensi ebiroho hati byahuliirwe omurro, byahwiirwe okuhika ha kiro eky'okucwa omusango n'okuhwerekereza abantu abatatiina Ruhanga.

#### Zabuli 9:17

Abanyakukora ebitali byokuhikirra boona balifa, na boona abataikiriza Ruhanga.

### Matayo 25:46

"Abo baligenda omu kubonabonesibwa okutalihwaho, baitu abahikiriire balitaaha omu bwomeezi obutalihwaho."

### OMUSANGO OGURUKWIJA KUBAHO

#### Ebikorwa 17:31

"Habwokuba akataho ekiro nambere ensi yoona ericwerwaho omusango omu mazima, nigucwibwa omuntu ou yataireho, kandi eki akakyoleka abantu boona obu yamuhumbwire omu bafu."

#### 2 Petero 2:9

Ebi byona bitwoleka Ruhanga nkooku amanyire kujuna abamutiina, akabaiha omu mitalibano; amanyire n'okwikaza ababi ha kifubiro okuhika ha kiro eky'okucwerwa omusango.

#### 1 Yohaana 4:17

Ekirukwoleka engonzi nkooku ihikirizibwa omuli itwe nukwo kwikara twina obwesige ha kiro ky'okucwerwa omusango, habwokuba enyikara yaitu omu nsi munu, niyo emu n'eya Kristo.

### Abaheburaayo 9:27

Kandi abantu boona nkooku baateerirweho okufa omurundi gumu, hanyuma bakacwerwa omusango.

#### 2 Abakorinto 5:10

Habwokuba itwena tulizooka omu maiso g'ekitebe kya Kristo eky'okucweraho emisango, nukwo buli omu asasurwe habw'ebirungi rundi ebibi ebi yakozire akyali omu mubiri ogu.

### Abaroma 14:12

Habweki, buli omu omuli itwe alyetonganirra hali Ruhanga.

Abaroma 5:15

Baitu ekisembo Ruhanga eki agabira busa tikisisana kibi kya Adamu. Habwokuba ekibi by'omuntu omu, obu kiraaba kyaleetiire baingi okufa, baitu embabazi za Ruhanga n'ekisembo ekiheriirwe busa eky'omuntu omu Yesu Kristo tibyakukizire muno kubaleetera omugaso?

Abaroma 9:16

Habweki tikirukurugirra ha kugonza kw'omuntu rundi ha bwekambi bwe, baitu kirugirra ha mbabazi za Ruhanga.

2 Abakorinto 8:9

Inywe nimumanya embabazi za Mukama waitu Yesu Kristo. Noobu araaba yabaire ali muguuda, baitu habwanyu akafooka munaku, nukwo obunaku bwe bubafoole baguuda,

1 Petero 5:5

... "Ruhanga ahakaniza abeekuliiriza; baitu abeebundaaza, abaha omugisa."

Ebikorwa 4:33

Abakwenda bakongera kujurra okuhumbuuka kwa Mukama Yesu n'obumanzi bwingi, kandi embabazi za Mukama zaikaraga hali bo.

2 Abakorinto 9:15

Ruhanga asiimwe habw'ekisembo kye ekitagambwa.

#### Ebikorwa 17:30

"Ebiro ebi mwamazire omu butamanya, Ruhanga atabiteho mutima; baitu hati naaragira abantu boona, hoona nambere bali, beegarukemu."

#### Luka 13:3

"Nangwa, nimbagambira nti: Na inywe obu mutalyegarukamu, nukwo mulihwerekerra muti."

### Matayo 3:2

Naagamba ati: "Mwegarukemu, habwokuba obukama bw'omu iguru buli haihi."

#### Ebikorwa 2:38

Petero yabagarukamu ati: "Mwegarukemu. Buli omu omuli

inywe abatizibwe omu ibara lya Yesu Kristo, nukwo muganyirwe ebibi byanyu. Kandi muliheebwa ekisembo kya Ruhanga, nuwe Mwoyo Ahikiriire."

#### Ebikorwa 3:19

"Nahabweki mwegarukemu, muhindukire Ruhanga, ebibi byanyu biihweho. Obu nubwo Mukama araabaha ebiro eby'okuhuumuzibwamu."

### 2 Abakorinto 7:10

Okusaalirwa Ruhanga nkooku agonza kuleeta okwegarukamu okurukuhikya ha kujunwa, kandi okusaalirwa oku timukweijukya; baitu okusaalirwa kw'ensi enu kurugwamu okufa.

#### Okusuukururwa 3:20

"Hurra nu, nyemeriire ha rwigi ninyeranga; omuntu weena obu ahurra iraka lyange akakingura orwigi, ninyija kutaahamu, mmuhikeho, nukwo tulye hamu."

#### Matayo 6:14

"Obu muraaganyiraga abantu ensobi zaabu, na inywe Isiinywe ow'omu iguru alibaganyira."

### Isaaya 55:7

Leka ababi balekere aho kukora kubi, batekereze ebirungi, leka bahindukire Mukama Ruhanga waitu habwokuba anyine embabazi kandi ajiwire kuganyira.

#### Mariko 2:5

Yesu obu yarozire nkooku baina okwikiriza, yagambira ekizingo ati: "Mwana wange, ebibi byawe bikuganyirwe."

### Ebikorwa 5:31

"Baitu Ruhanga akamunyumiza, yamuta ha mukono gwe ogw'obulyo abe Omwebembezi kandi Omujuni, habw'okwegarukisamu Abaisiraeli n'okubaganyiza ebibi."

#### Ezekyeri 18:21

Omuntu omubi obwaleka kusiisa akahikiriza ebiragiro byange, akakora ebihikire kandi ebirungi talifa. Mananukwo alyomeera. Habwokuba embabazi za Ruhanga zizookere omu nsi kujuna abantu boona, zaatwegesa okwanga obukafiiri n'okuteegomba eby'ensi, twikale tuli beerinzi, b'amananu, nitutiina Ruhanga omu nsi munu. — Tito 2:11, 12

#### Yakoho 4:4

Ha! Bantu inywe abateesigwa! Timurukumanya okuganjana n'e-nsi nkooku nubwo obunyanzigwa hali Ruhanga? Nahabweki weena anyakugonza kuganjana n'ensi, ayefoora muzigu wa Ruhanga.

### 1 Yohaana 2:15, 16

Muleke kugonza ensi, noobu byakuba ebintu ebigirumu. Omuntu weena obu agonza ensi, buli aba atarukugonza Isiitwe. Habwokuba byona ebirukusangwa omu nsi tibiri bya Isiitwe baitu by'ensi, kandi nibyo binu: okwegomba okubi okw'omubiri, okwegomba okubi okw'amaiso, n'okwenyumiza ha itungo.

Abakolosai 3:2

Muteekerezeege ebintu eby'omu iguru, bitali eby'omu nsi.

Abeefeso 5:11

Muteetaba omu bikorwa by'omwirima ebitaina mugaso, baitu mubyoleke bwere bwere.

Mwoge mwere, mulekeraho kukora kubi muti, kandi muzirre kimu kukora kubi. — Isaaya 1:16

#### Ezekyeri 36:26

Ndikuha omutima omuhyaka nebitekerezo ebihyaka, ndikuihamu omutima ogwobutigi ogukadadaire nukwo nkuhe omutima ogurukworoba.

#### 1 Petero 1:23

Mukazaarwa buhyaka, mutarukuruga omu mbibo enyakucweka, baitu nimuruga omu mbibo etacweka habw'ekigambo kya Ruhanga ekyomeeza kandi ekiikaraho.

#### 2 Abakorinto 5:17

Ningira omuntu weena obu aikara omu Kristo, aba kihangwa kihyaka. Ebya kara biba bihoire, aho byona bifookere bihyaka.

#### 1 Yohaana 2:29

Obu muraaba nimumanya Kristo nkooku ahikiriire, nimumanya weena anyakukora ebihikire nkooku azairwe Ruhanga.

### 1 Yohaana 5:18

Tumanyire weena ayazairwe Ruhanga nkooku atakyakora kibi; baitu Kristo, Omwana wa Ruhanga, amulinda kandi Omubi tasobora kumukwataho.

#### Yohaana 3:3

"Yesu yamugarukamu ati:
"Mali, mali ninkugambira nti:
Omuntu obu atazaarwa buhyaka,
tasobora kurora obukama bwa
Ruhanga."

### OKUFA HA KIBI N'OKUHUMBUUKA MU KRISTO 29

#### Abeefeso 2:1 kandi 6

Kandi na inywe akabomeeza obu mukaba mufeeriire omu nsobi n'omu bibi . . . Akatuhumbuura nawe, yatwikaliza hamu omu biikaro eby'omu iguru.

### Abakolosai 3:1

Nukwo nu, obu muraaba mwahumbuukire hamu na Kristo, mute omutima ha by'omu iguru, Kristo nambere ali, anyakwikaliire ha mukono gw'obulyo ogwa Ruhanga.

### 1 Petero 2:24

Kristo wonyini, omu mubiri gwe akeetweka ebibi byaitu yabihikya ha musaraba, nukwo tuzirre kimu ekibi, kandi twemarre ha buhikiriire. Ebihuta bye nibyo byabakirize.

### Abagalatiya 5:24

Abantu ba Kristo Yesu, bakabamba ha musaraba omubiri gwabu n'okwegomba kwagwo okubi hamu n'amairu gaagwo.

### Abaroma 6:2 kandi 11

Nikikafuuhe! Itwe abaarugire mu bibi tusobora tuta kugaruka kubiikaramu? ... Nukwo na inywe mwebale nk'abaarugire omu bibi, kandi abarukwomeera omu Ruhanga habwa Kristo Yesu. Yohaana 3:14, 15

"Kandi Musa nkooku yahanikire enjoka omu irungu n'Omwana w'omuntu nukwo asemeriire kuhanikwa ati; weena arukumwikiriza atunge obwomeezi obutahwaho."

Yohaana 17:3

"Kandi obwomeezi obutahwaho nubwo bunu: abantu bamanye iwe Ruhanga omu, ow'amazima, na Yesu Kristo ou watumire."

Abaroma 6:23

Habwokuba empeera y'ebibi, nukwo kufa; baitu ekisembo Ruhanga eki agabira busa, nubwo bwomeezi obutahwaho omu Kristo Yesu Mukama waitu.

Yohaana 3:36

Anyakwikiriza Mwana, aina obwomeezi obutahwaho; baitu atarukworobera Mwana, talitunga bwomeezi; kandi obukaya bwa Ruhanga obutagarukirra bumwikaraho.

Yohaana 5:24

"Mananukwo nimbagambira nti: Anyakuhurra ebigambo byange akaikiriza n'ayantumire, uwe aina obwomeezi obutahwaho; kandi takyacwerwa musango; baitu aba amazire kuruga omu rufu, ataahire omu bwomeezi."

#### Abaroma 8:16

Mwoyo ogu wonyini nuwe arukutumanyisa hamu n'omutima gwaitu, nkooku tuli baana ba Ruhanga.

#### Isaava 32:17

Buli muntu alikora ebyobulyo nukwo habeho obusinge nokuhuumura omunsi yoona.

### Abagalatiya 4:6

Kandi itwe, habw'okuba baana, Ruhanga akatuma Mwoyo wa Mwana we omu mitima yaitu nayamirra ati: "Abba! Isiitwe!"

### 1 Yohaana 3:18, 19

Baana bange, okugonza kwaitu kuleke kuba kw'akalimi rundi kwa ha minwa, baitu kuzooke omu bikorwa n'omu mazima. Aho nuho turaamanyira nkooku tuli b'amazima, kandi emitima yaitu nkooku eriteekana omu maiso ga Ruhanga.

### Yohaana 14:21

"Anyakwikiriza ebiragiro byange akabikwata, ogu nuwe angonza; kandi arukungonza, aligonzibwa Isenyowe, na nyowe ndimugonza kandi ndimweyoleka."

#### 1 Yohaana 4:13

Aho nuho tumanyira nkooku twikara omu Ruhanga, nawe nkooku aikara omuli itwe: habwokuba akatuha Mwoyo we wonyini.

#### Yohaana 17:13

"Baitu hati ninyija nambere oli. Binu nimbigamba nkyali omu nsi, nukwo baijurre kimu okusemererwa kwange."

### Abaroma 14:17

Habwokuba obukama bwa Ruhanga tibiri byokulya rundi byokunywa, baitu nukwo okuhikirra, okuteekaana, n'okusemererwa oku tuheebwa Mwoyo Ahikiriire.

### Abagalatiya 2:20

Nkabambwa ha musaraba hamu na Kristo; takyali nyowe arukwomeera, baitu Kristo nuwe arukwomeera omuli nyowe. Kandi obwomeezi obu nyinabwo hati omu mubiri, nyinabwo ha

bw'okwikiriza Omwana wa Ruhanga ayangondeze kandi yayehayo habwange.

Amaizi nkookugaruhuura omuntu w'iroho nukwo nabantu ba Ruhanga basemererwa obwabajuna, — Isaaya 12:3

### Yohaana 15:11

"Ebi mbibagambiire nukwo okusemererwa kwange kwikale omuli inywe, kandi okusemererwa oku kwijurre kimu."

### Zabuli 16:11

Olinyoleka omuhanda gwobwomeezi, kuba naiwe nikunsemeza kandi nondetera omuhimbo ebiro byona,

#### TURAGIIRWE OKWOROBERA MUKAMA

1 Samwiri 12:15

Baitu kuba otahurra Mukama, okamujemera nauwe alikuhwamu akunagaije.

Abaroma 6:16

Kinu nakyo timurukukimanya? Kakuba nimweha omuntu nk'abairu abahurra, muba kwo bairu b'ogu ou muhurra: rundi bairu b'ekibi ekitwara omu kufa, rundi bairu b'obuhulizi obuhikya ha kwezibwa.

### 2 Abateesalonika 1:7-9

Kandi na inywe abanyakubonesibwa, okubahuumuza hamu na itwe. Ebi biribaho Mukama Yesu obu alizooka naaruga omu iguru, aina bamalaika be ab'obusobozi nibaizira omu murro ogurukufubira abo abatarukumanya Ruhanga, hamu n'abo abatoorobera Amakuru Amarungi aga Mukama waitu Yesu. Baliheebwa ekifubiro eky'okuhwerekerra okw'ebiro n'ebiro, n'okubingwa omu maiso ga Mukama n'omu kitiinisa eky'obusobozi bwe.

### Ekyebiragiro 11:26-28a

Kiro kinu nkuhaire obugabe kwegomboza omukyeno rundi obusinge kuba ohikiriza ebiragiro bya Mukama Ruhanga wawe ebindukukuha hati. Guliba mukyeno obwotalihikiriza ebiragiro ebi okahaba okaramya baruhanga abandi.

#### Abafilipi 2:11

Kandi buli rulimi rwatule Yesu Kristo nkooku ali Mukama, nukwo Ruhanga Ise aheebwe ekitiinisa.

### Matavo 10:32, 33

"Weena alinvatura omu maiso g'abantu, na nyowe ndimwatura omu maiso ga Isenyowe anyakuli omu iguru; baitu weena alinyehakana omu maiso g'abantu, na nyowe ndimwehakana omu maiso ga Isenyowe anyakuli omu iguru."

#### Abaroma 10:9, 10

Kakuba oyatura n'akanwa kaawe oti: Yesu aba Mukama, okaikiriza n'omutima gwawe Ruhanga

nkooku yamuhumbwire omu bafu, olijunwa. Omuntu aikiriza Kristo n'omutima gwe, nukwo ahikirre: kandi ayatura Kristo n'akanwa ke, nukwo ajunwe.

#### 1 Yohaana 2:23

Busaho n'omu anyakwanga Mwana akaikiriza Ise. Ogu anyakwikiriza Mwana, buli aikiriza na Ise.

### Luka 9:26

"Weena anyakunkwatirwa ensoni kandi akazikwatirwa ebigambo byange, nawe Omwana w'omuntu alimukwatirwa ensoni obu aliizira omu kitiinisa kye n'omu kitiinisa kva Ise n'ekv'abamalaika ababikiriire,"

# SITAANI — OMUNYANZIGWA

#### 1 Petero 5:8

Mwerinde kandi mwikale nimurora. Sitaani, omuzigu wanyu, naarabanganamu nk'entale erukubbukura, neeserra ou eraajunjubura.

### Ebikorwa 26:18

"'Obaigule amaiso, baruge omu mwirima, baije omu musana; baruge omu busobozi bwa Sitaani, beehongere Ruhanga, kandi habw'okunyikiriza baganyirwe ebibi kandi batunge ekiikaro hamu n'abo abayeziibwe.'"

Matayo 4:1 kandi 10,11 Nubwo Yesu yatwarwa Mwoyo omu irungu okwohebwa Sitaani. . . . Yesu yamugarukamu ati: "Rugaho Sitaani! Habwokuba kikahandiikwa kiti: 'Oramyege Mukama Ruhanga waawe, kandi nuwe oheerezeege wenka.' " Nubwo Sitaani yamurugaho, bamalaika baija baamuheereza.

# 2 Abateesalonika 2:9

Omwemi ogu aliija omu busobozi bwa Sitaani, aina amaani ag'okukora ebihuniriza ebirukuhabisa, n'ebyamasano.

# Abeefeso 6:11

Mujwale eby'okurwanisa byona ebya Ruhanga, nukwo musobole kwemera obugobya bwa Sitaani.

### 2 Abateesalonika 2:8

Obu nubwo Omwemi alizooka, kandi Mukama Yesu alimwisa orwoya orw'akanwa ke, amuhwerekereze n'okumuliikana okw'okwija kwe.

# Yakobo 4:7, 8a

Nahabweki mworobere Ruhanga; murwanise Omwohi, nawe naija kubarugaho. Mwirre haihi Ruhanga, nawe alibairra haihi.

### Abaheburaayo 2:14

Nahabweki abaana ab'oruganda rumu nkooku basisaniza omubiri n'esagama, na Yesu nukwo yayefoire muntu nka bo, nukwo habw'okufa kwe asobole kuhwerekereza ogu anyakulema orufu, nuwe Sitaani.

# Abaroma 8:35 kandi 37

Nooha alitwihaho engonzi za Kristo? Eriba mihito, bujune, kuhiiganizibwa, njara, okugenda busa, akabi akandi rundi empirima? ... Nangwa, omu bintu ebi byona nitusingurra kimu habw'Ogu ayatugondeze.

# 1 Yohaana 3:8

Ogu anyakukora ekibi, aba wa Sitaani; habwokuba Sitaani akakora ebibi kuruga kara. Ekyaleesire Omwana wa Ruhanga, nukwo kuhwerekereza byona Sitaani ebi akora.

# ANYAKWINA ENGONZI NUWE MWEGESIBWA WA KRISTO

# 1 Yohaana 4:20

Kakuba habaho arukugamba ati: "Ningonza Ruhanga", kandi kunu naanoba mugenzi we, ogu mubiihi w'ebisuba; habwokuba atarukugonza mugenzi we ou arukurora, tasobora kugonza Ruhanga ou atakaroraga.

# Yohaana 13:35

"Obu muraaba nimugonzangana, aho nuho abantu boona balimanyira nkooku muli beegesebwa bange."

# 1 Abakorinto 13:1

Noobu nkubaza endimi z'abantu n'ez'abamalaika, baitu ntaina kugonza, ninsisana ekide ekirukugambagamba rundi enjogera ezirukujaara.

### Abagalatiya 5:22, 23a

Baitu ebirungi ebinyakuzooka omu muntu anyakwina Mwoyo nibyo binu: engonzi, okusemererwa, obusinge, okugumiisiriza, embabazi, oburungi, obwesigwa, obuculeezi n'okwetanga.

# 1 Yohaana 3:14

Itwe tumanyire nkooku twarugire omu rufu, twataaha omu bwomeeezi, habwokuba nitugonza bagenzi baitu. Ogu atagira ngonzi, aikara afiire. Ebikorwa 10:39-41

Na itwe tuli bakaiso b'ebi byona ebi vakoliire omu Buvudaava n'omu Yerusalemu. Yesu ogu, abantu bakamwita nibamuhanika ha muti; baitu Ruhanga akamuhumbuura obu haahingwireho ebiro bisatu, yamutwoleka. Atamwoleke bantu boona, baitu akamwoleka itwe abakaiso Ruhanga aba yakomere kara, abaaliire na Yesu kandi baanywa nawe amazire kuhumbuuka omu bafu.

Yohaana 20:26-28

Obu haahingwireho ebiro munaana, abeegesebwa be nabwo bakaba bali omu nju, na Tomasi abarumu. Enyigi zikaba zikingirwe, baitu Yesu yaija yabeemerra hagati, yabaramukya ati: "Obusinge bube na inywe". Nubwo yagambiire Tomasi ati: "Taahya hanu orukumu rwawe, kandi rora ebiganja byange; leeta engaro yawe ogite omu rubaju rwange; leka kuhakana, baitu ikiriza." Tomasi yamugarukamu ati: "Mukama wange kandi Ruhanga wange!"

Mariko 16:9

Yesu obu yahumbuukire, omu rukyakya ha kiro kya Sande, akabanza kubonekera Mariya Magadaleena ou yabingireho emyoyo emibi musanju.

### NA ITWE NITUNIHIRA KUHUMBUUKA

# Matayo 16:21

Okuruga obu Yesu yatandika kumanyisa abeegesebwa be nkooku ali w'okugenda Yerusalemu kubonabonesibwa muno bakuru b'abantu, abanyakatagara abakuru, n'abeegesa b'ebiragiro; n'okwitwa kandi ahumbuurwe haahingwireho ebiro bisatu.

Yohaana 5:25 kandi 28, 29

"Mazimakwo nimbagambira nti: Akasumi nikaija, kandi kahikire, abafu obu balihurra iraka ly'Omwana wa Ruhanga, kandi abalirihurra balyomeera . . . Eki kitabahuniriza, ningira akasumi nikaija, abali omu bituuro boona

obu balihurra iraka lye, bakarugamu. Abo abaakozire ebirungi bakahumbuukira obwomeezi; kandi abo abaakozire ebibi bakahumbuukira okucwerwa omusango."

# Abaroma 6:3-5

Timurukumanya itwe itwena abaabatiziibwe omu Kristo Yesu tukafa, nkooku twabatiziibwe nukwo tufe nawe? Habweki obu twabatiziibwe tukafa, twaziikwa hamu nawe, nukwo Kristo nkooku yahumbwirwe omu bafu habw'ekitiinisa kya Ise, na itwe tusobole okugendera omu bwomeezi obuhyaka.

### TWEYEZE HABWA MUKAMA

### Luka 1:74, 75

"Obu tulikajunwa omu mikono y'abanyanzigwa baitu, tumuheerezeege tutarukutiina, nitwera kandi tuhikiriire omu maiso ge ebiro byaitu byona."

# 2 Abakorinto 7:1

Abagonzibwa, nkooku twina ebyaraganiziibwe ebi, katwoge oburofu bwona obw'omubiri n'obw'omwoyo, tube bahikiriire mali, tutiine Ruhanga.

# 2 Timoteo 2:21

Omuntu kakuba ayeihaho byona ebitali birungi; obu, alifooka kikwato ky'omulimo gw'ekitiinisa, kintu ekyeziibwe kandi ekirukugasira nyineeka, kiteekaniziibwe okukora omulimo gwona omurungi.

### 1 Petero 1:2

Inywe abaakomerwe mwasororwa Ruhanga Isiitwe, mwayezibwa Mwoyo Ahikiriire nukwo mworobere Yesu Kristo kandi mumiisirwe esagama ye: Emigisa n'obusinge byeyongere omuli inywe.

### 1 Petero 1:15

Baitu Ruhanga ayabeesire nkooku ahikiriire, na inywe mube bahikiriire omu ngeso zanyu zoona. Halibayo enguudo enkooto erukwetwa "oruguudo rw'okuhirirra". Busaho musisi noomu alirutamu ekigere, kandi tihali bayo abagwagwa abokuhabya abo abarukwiia.

— Isaaya 35:8

Abaheburaayo 13:12

Yesu nawe akabonabonera aheeru y'orubuga, nukwo ayeza abantu n'esagama ye.

### 1 Yohaana 1:9

Kakuba twatura ebibi byaitu, Ruhanga aba mwesigwa kandi mwinganiza, naija kubituganyira atwogyeho ebitahikire byona.

"Nyowe nimbabatiza n'amaizi habw'okwegarukamu, baitu ogu arukunyija enyuma, nankiza obusobozi, kandi tinsemeriire n'okumukwatiraho enkaito ze; uwe alibabatiza na Mwoyo Ahikiriire n'omurro." — Matayo 3:11

# 2 Petero 3:11

Ebintu ebi byona obu biraaba biri by'okuhwaho biti, inywe musemeriire kuba bantu ba mulingo ki? Musemeriire kuba bantu abarukwera kandi abarukutiina Rubanga omu bwomeezi bwanyu.

#### Abeefeso 1:4

Ruhanga akatukomera omu Kristo ensi etakahangirwe, tube barukwera kandi abataina kamogo omu maiso ge.

# 42 ABANTU ABAIJWIRE MWOYO WA RUHANGA

### Luka 11:13

"Nukwo inywe ababi, obu muraaba nimusobora kuha abaana banyu ebirungi, Isiinywe ow'omu iguru talikiraho okuha Mwoyo Ahikiriire abo abarukumusaba?"

# Ebikorwa 1:8a

"Baitu muliheebwa amaani, Mwoyo Ahikiriire obu alibaijaho; kandi muliba bakaiso bange..."

# Ezekyeri 36:27

Ndikutamu omwoyo gwange nkukwase ebiragiro byange nukwo ohikirize ebinkuragiire.

# Abaroma 8:9

Baitu Mwoyo wa Ruhanga obu araaba naikara kwo omuli inywe, timuli omu mubiri, baitu omu Mwoyo. Weena ataina Mwoyo wa Kristo, ogu tali muntu we.

### Ebikorwa 13:52

Baitu abeegesebwa baijura omuhimbo na Mwoyo Ahikiriire.

Obu baamazire kusaba, ekiikaro ha bakaba beesoroliizemu kyatengeeta; boona baijura Mwoyo Ahikiriire, baatandika kubaza ekigambo kya Ruhanga n'obumanzi. — Ebikorwa 4:31

# Ebikorwa 7:55

Baitu Stefano, aijwire Mwoyo Ahikiriire, amaiso yagahanga halguru, yarora ekitiinisa kya Ruhanga, na Yesu amwemeriire ha mukono gw'obulyo.

# EBI YARAGANIIZE ABAMWIKRIIIZE

Matayo 6:33

"Baitu mubanze muserre obukama bwe n'obuhikiriire bwe, n'ebi byona biribongerwaho."

# Zabuli 34:18

Ruhanga aba haihi abantu abataine kunihira, ajuna boona abanyakwehoire amasiko.

Isaava 66:2

Ninyowe nahangire ensi yoona, nsemererwa abaculeezi abanyakwegarukamu abanyakuntiina bakakora ebingonza.

# Okusuukururwa 21:4

"Alibasusura amaizi goona ag'omu maiso gabu. Orufu tiruligaruka kubaho, noobu kwakuba

okuganya, rundi okurra, rundi obusaasi. Habwokuba ebintu ebya kara biriba bihoireho."

### Zabuli 37:3

Iwe oyesigege Mukama okole kurungi nukwo oikale nobusinge omu nsi.

# 1 Petero 4:12, 13

Abagonzibwa, muléke kuhunirizibwa ebirengeso eby'amaani ebirukubagwera, mukaba nk'abagweriirwe ihano. Baitu musemererwe muno habw'okubagana ha kubonesibwa kwa Kristo, nukwo ekitiinisa kye obu kirisuukurwa, mulikyanganuka kandi musemererwa.

### Abaheburaayo 2:18

Uwe wenyini nkooku yabonabonesiibwe kandi yayohebwa, nikyo arukusoborra kukonyera abo abarukwohebwa.

# Isaaya 43:2

Obwoliraba omunziha za maizi, ndiba na iwe; toliitwa bwinike. Nobwoliraba omu murro tolihya okulengwa kwamaani nobukulikwizira tikulikusobora.

# 1 Abakorinto 10:13

Busaho kyohyo ekirabaiziire ekitahikaho abantu boona. Ruhanga mwesigwa, taliikiriza ebyohyo ebibahinguraine kubahikaho, baitu omu kwehebwa nk'oku ali-

baha amagezi ag'okukisingura nukwo musobole okugumiisiriza.

#### Abaroma 8:28

Tumanyire ngu, omu buli kintu Ruhanga eki akora, agenderramu oburungi bw'abo abamugonza, abeetwa entegeka ye nkooku eri.

### Zabuli 34:19

Omuntu ahikirire atunga emihito nyingi, baitu yoona Mukama agimujuna.

# Abaroma 16:20

Nubwo Ruhanga, endugirro y'obusinge, alyanguha kusasangurra Sitaani ha nsi y'ebigere byanyu.

# EBI YANIHIIZE ABALISINGURA

Okusuukururwa 3:12 "Ogu anyakusingura, ndimufoora nyomyo omu Nju ya Ruhanga wange, taligirugamu naakake. Ndimuhandiikaho ibara Iya Ruhanga wange n'ibara ly'orubuga rwa Ruhanga wange, Nurwo Yerusalemu oruhyaka orusirimuka niruruga omu iguru mba Ru-

hanga wange. Mmuhandiikeho Okusuukururwa 3:5

n'ibara lyange erihyaka."

"Ogu anyakusingura, nukwo alijwara ati ebijwaro ebirukwera, kandi ibara lye tindiriragaza omu kitabu eky'obwomeezi; baitu ndimuranga omu maiso ga Isenyowe n'ag'abamalaika be."

"Ogu anyakusingura, ndimwikiriza aikarre na nyowe ha kitebe kyange eky'obukama, nka nyowe oku nasingwire, naikarra na Isenyowe ha kitebe kye eky'obukama." — Okusuukururwa 3:21

Okusuukururwa 21:7

"Weena anyakusingura, bunu nubwo buliba bugwetwa bwe: Ndiba Ruhanga we, kandi uwe aliba mwana wange."

Okusuukururwa 2:7

"Anvakwina okutu. ahurre Mwoyo ebi arukugambira ebitebe by'abaikiriza, Anyakusingura ndimwikiriza kulya ha muti ogw'obwomeezi ogunyakuli omu nsi ya Ruhanga ey'okuhiirwa."

#### 1 Abakorinto 7:10, 11

Abaswire n'abaswirwe nimbaragira, tali nyowe baitu nimuragirwa Mukama; omukazi aleke kwahukana na iba (baitu obu araaba ayahukaine nawe, aikale ataswirwe; kitali eki agarukanganemu na iba) kandi omusaija atalibinga mukazi we.

# Abaroma 7:2, 3

Nukwo kiti, omukazi omuswerwa, Ekiragiro kimuboha hali iba obu aba akiri mwomeezi; baitu iba obu afa, nubwo asumururwa ha Kiragiro eki. Nukwo nu, kakuba aswerwa omusaija ondi, kunu iba akiri mwomeezi, obu ayetwa musiihani. Baitu kakuba iba

afa, buli takyalemwa Kiragiro eki . . .

#### Luka 16:18

"Omuntu weena anyakubinga mukazi we akaswera ondi, aba asiihaine; kandi n'omusaija anyakuswera omukazi abingirwe, nawe aba asiihaine."

# Matayo 5:32

"Baitu nyowe nimbagambira nti: Omusaija kakuba abingira kimu mukazi we, atarukusigikira ha busiihani, nuwe aba amuleeteriize kusiihana (obu aswerwa handi); n'omusaija anyakuswera omukazi ayabingirwe, nawe aba asiihaine."

# KRISTO OBW'ALIGARUKA OBWA KABIRI

#### Yohaana 14:3

Kandi obu ndigenda nkabateekaniriza ekiikaro, ndigaruka mbatwale nambere ndi, oku na inywe nuho mwikale.

### Okusuukururwa 3:11

"Ninyija bwango; gumiza kimu eki oinakyo, tihaikara kubaho akunyagaho ekondo yawe."

# Mariko 8:38

"Baitu weena arukunkwatirwa ensoni rundi akaikwatirwa ebigambo byange omu businge bunu obuhabire kandi obubi, Omwana w'omuntu nawe alimukwatirwa ensoni obu aliija aina kitiinisa kya Ise, asendekeriziibwe abamalaika be abahikiriire."

### Matayo 24:30

"Nubwo akarorwaho k'Omwana w'omuntu kalizooka omu iguru, kandi enganda zoona ez'omu nsi ziriganya. Aho balirora Omwana w'omuntu naizira omu bicu by'omu iguru, aina obusobozi n'ekitiinisa kingi."

# Yakobo 5:8

Na inywe mugumiisirize, Mutaterebuka habwokuba Mukama amalize kuhika.

# Matayo 24:27

"Omurabyo nkooku gumulikya niguruga Burugaizooba kuhika Bugwa-izooba, n'okwija kw'Onwana w'omuntu nukwo kuliba kuti."

# 48 KRISTO OBW'ALIGARUKA OBWA KABIRI

### 1 Yohaana 3:2

Abagonzibwa, hati tuli baana ba Ruhanga; tikikamanyirwe nkooku tuliba, baitu nitumanya Kristo obu alizooka, nitwija kumusisana habwokuba tulimurora nkooku ali.

# Okusuukururwa 16:15

"Dora, ninyija nk'omusuma! W'omugisa ogu anyakwikara naarora, akalinda ebijwaro bye, nukwo aleke kugenda busa, abantu bakamurora enjuuro!"

### Luka 12:40

"Na inywe mwikale mweteekaniize, habwokuba Omwana w'omuntu aliija omu kasumi aka mutarukumunihirramu."

#### Ebikorwa 1:11

Baabakaguza bati: "Inywe basaija ba Galiraaya, kiki ekibeemeriize muroleriire haiguru? Yesu onu, anyakubaihirweho yatwarwa omu iguru, nukwo aligaruka ati, nkooku mwamurora naagenda."

# **Matayo 16:27**

"Omwana w'omuntu aliija n'abamalaika be omu kitiinisa kya Ise, nubwo alisasura buli muntu naasigikira ha bikorwa bye."

#### Luka 21:27

"Nubwo balirora Omwana w'omuntu naizira omu kicu aina obusobozi n'ekitiinisa kingi."

# EKIGAMBO KYA RUHANGA

Ningira tihakabahoga oburangi omuntu obu arayatwire wenka, baitu abantu bagambisibwa Mwoyo Ahikiriire kwatura ebigambo ebvarugire hali Ruhanga. —2 Petero 1:21

Ekigambo kyawe niyo taara enyakumulikira nkarora omuhanda. —Zabuli 119:105

Ebihandiiko Ebirukwera bvona, bihandiikisibwa Ruhanga, kandi bigasa omu kwegesa eby'amazima, omu kuhana abahabire, okuhabura, n'okutendeka abantu omu buhikiriire.

—2 Timoteo 3:16

"Iguru n'ensi birihwaho, baitu ebigambo byange tibirihwa-—Luka 21:33 ho."

Ekiragiro kyawe kiri omumutima grwange nukwo ndeke kukusiisira. —Zabuli 119:11

Omwoyo, nugwo gwomeeza omuntu: omubiri tigwina mugaso. Ebigambo ebi mbagambiire nibyo by'omwoyo n'obwomeezi. —Yohaana 6:63

Yesu yabagarukamu ati: "Muhabire habw'okutamanya ebvahandiikirwe noobu bwakuba obusobozi bwa Ruhanga."

-Matayo 22:29

Published in numerous languages by World Missionary Press as God supplies funds in answer to prayer. If you would like more copies for careful distribution, write in English to:

World Missionary Press, Inc. P.O. Box 120 New Paris, Indiana 46553 U.S.A.

Text © 1977 by the United Bible Societies, Africa Regional Centre, Nairobi, Kenya. Used by permission.